



Broj: 01-02.2-2510-21/22
Datum: 15.11.2023.godine

Na osnovu člana 69. Zakona o javnim nabavkama (Službeni glasnik BiH br. 39/14 i 59/22) i Pravilnika o javnim nabavkama JP Ceste Federacije BiH d.o.o. Sarajevo (Ugovorni organ), i u skladu sa preporukom Komisije za nabavke Uprava d o n o s i:

ODLUKU
o poništavanju postupka javne nabavke

Poništava se pregovarački postupak bez objave obavještenja za javne nabavke usluga Održavanja opreme tunela Karaula, cesta M18, pokrenutog dana 24.05.2022. godine.

Obrazloženje

Prilikom ocjene ponuda utvrđeno je da u tenderskoj dokumentaciji nisu dovoljno precizirani određeni neophodni tehnički zahtjevi obzirom da se radi o pregovaračkom postupku na bazi ekskluzivnosti, te na osnovu navedenog nije moguće okončati postupak nabavke dodjelom ugovora. Obzirom na navedeno da nabavka pod uslovima datim u tenderskoj dokumentaciji neće rezultirati očekivanim rezultatom u funkcionalnom smislu, donešena je Odluka o poništavanju predmetnog postupka javne nabavke, u skladu sa članom 69. stav (3), ZJN-a, tj.iz razloga van kontrole ugovornog organa.

Nakon donošenja Odluke o poništenju postupka nabavke uložena je žalba od ponuđača ELCOM d.o.o. Tuzla, koja je usvojena kao osnovana i rješenjem URŽ BiH broj: JN2-03-07-1-2760-7/22 od 28.10.2022. godine poništena je Odluka o poništenju postupka nabavke i vraćeno ugovornom organu na ponovno postupanje. .

Nakon ponovnog postupanja po predmetnom Rješenju URŽ, i dodatnim istraživanjem ponovo je donešena je odluka o poništenju postupka sa datumom 16.05.2023.godine, obzirom da je neophodno izvršiti korekcije tehničke specifikacije koja je dio tenderske dokumentacije i pokrenuti novi postupak.

Na ovu odluku o poništenju postupka uložena je ponovo žalba ponuđača ELCOM d.o.o. Tuzla, na osnovu predmetne žalbe URŽ je donjeo rješenje br. JN2-03-07-1-1549-7/23 kojim je odluka o poništenju postupka ponovo poništena i naloženo ponovno postupanje.

U proteklom periodu napravljene su dodatne konsultacije u tehničkom smislu, te ponovne analize dostavljenih pojašnjenja ponuđača.

Ponuđač BS TELECOM SOLUTIONS, je potvrdio da je isključivi i jedini vlasnik licence za održavanje **softverskog dijela sistema**, pod nazivom BS Husky sistema za daljinsko upravljanje i nadzor autocesta i cesta, dakle softvera koji je instaliran za upravljanje opremom instaliranom u tunelu. Navedeni softver je zaštićen zaštitinim žigom. Dakle navedeni ponuđač jedini koji ima pristup softveru instaliranom za održavanje postojeće opreme u tunelu.

Ponuđač ELCOM d.o.o. Tuzla je potvrdio da može pružiti tenderskom dokumentacijom zahtijevane usluge, dakle održavanje opreme tunela, tvrdeći da može izdati za sve tražene ateste (validni atesti za sistem vatrodajave i atesti za sistem video nadzora...). Analizom dostavljenih odgovora konstatovano je da bi navedeni ponuđač morao isporučiti novi softver, kako bi mogao održavati postojeću opremu u tunelu, dakle cijena koju je ponudio uključuje instalaciju novog softvera, koji bi svakako morao biti i testiran, a što nije navedeno i traženo tenderskom dokumentacijom.

Dakle imamo ponude ponuđača koje nisu uporedive, ponudu koja sadrži usluge održavanje opreme na osnovu instaliranog softvera i ponudu ponuđača koji nudi održavanje opreme, a to je moguće samo uz isporuku novog softvera, te se zaključuje da ponudena cijena uključuje i isporuku novog softvera.

Na osnovu navedenog, konstatovano je da je neophodno izvršiti ispravke/dopune u tenderskoj dokumentaciji, kako bi se mogle dobiti ponude koje su uporedive, kao i eventualno omogućiti veću/širu konkurenciju.

Obrazac u tenderskoj dokumentaciji – Nazivi predmeta nabavke je održavanje softvera, a Struktura cijene ponude ne sadrži stavku isporuke novog softvera, nego samo stavku održavanja softvera za jednu godinu. Dakle, u samoj tenderskoj dokumentaciji nisu dati zahtjevi za isporuku novog softvera, te neophodne informacije kao ni uslovi za novi softvera.

Na osnovu ovog prijedloga, ovlašteni organ ugovornog organa donio je odluku kao u dispozitivu.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.



Direktor:

.....
Ljubo Pravdić, dipl. ing.grad.

Dostavljeno:

- a/a